

Headline	Kerajaan sokong program kemasyarakatan		
MediaTitle	Harian Ekspres (KK)		
Date	30 Apr 2014	Language	Malay
Circulation	29,826	Readership	97,836
Section	Tempatan	Color	Black/white
Page No	7	ArticleSize	193 cm <sup>2</sup>
AdValue	RM 398	PR Value	RM 1,194



FAUZIAH bersama Balakrisnan, Matbali dan Mohamad serta mahasiswa dan mahasiswi UUM merakamkan kenangan di majlis tersebut.

## 'Kerajaan sokong program kemasyarakatan'

SEPANGGAR: Program-program yang memberi manfaat kepada masyarakat sentiasa diberikan sokongan oleh kerajaan menerusi kementerian, jabatan dan agensi-agensinya.

Pegawai Jabatan Perpaduan dan Intigerasi Nasional Sabah, Fauziah Salleh berkata jabatannya sedia untuk bekerjasama dengan mana-mana pertubuhan bukan kerajaan (NGO) bagi melaksanakan program khidmat masyarakat.

"Pihak jabatan sentiasa memberikan sokongan dan kerjasama kepada NGO dalam menganjurkan program yang memberikan manfaat khususnya dalam memperkukuhkan lagi perpaduan dan persefahaman di kalangan

masyarakat," katanya pada perasmian program khidmat masyarakat bersama mahasiswa dan mahasiswi Universiti Utara Malaysia (UUM) di sini, pada Selasa.

Beliau turut memuji usaha yang dilakukan mahasiswa dan mahasiswi pengajian luar (PJJ) UUM yang menganjurkan program tersebut.

Sementara itu pengarah program Matbali Musah berkata program itu adalah untuk memberikan motivasi khususnya kepada golongan pelajar, selain untuk membawa golongan mahasiswa mendekati masyarakat.

Katanya, menerusi program itu pihaknya berusaha menampilkan dan menghayati ciri-ciri insan berakhlak mulia, patriotik, bertanggungjawab dan penyayang.